

Troms Kraft ruovttusiidu sámegillii

-Dál lei áigi

Troms Kraft lea dál almmuhan ruovttusiidduidis www.tromskraft.no sámegillii. Dát lea boadus dan giellaproševttas maid fitnodat doaimmaha ovttas Sámedikkiin.

-Leat hirbmat ilus go dál leat dása olahan – dál lei áigi. Romssa álbmot oamasta Troms Krafta, álbmot geaid gaskkas hállet sihke dárogiela ja sámegiela. Vaikke eatnašat máhttet dárogiela, de lea min ulbmilin lámhčit dili nu bures go vejolaš gulahallat sámegilliige, dadjá Stein-Gunnar Bondevik, Troms Kraft servodatgulahallanolmmoš.

Ovttasbargu Sámedikkiin bođii áigái maŋŋilgo Troms Kraft Nett ja Nordlandsnett el-fierpmádatfitnodagat ovttastuhttojuvvo, ja válljiimet dan ođđa fitnodahkii sámegiel nama Arva. Dat álggahii ovttasbarggu mii ii guoskka dušše gillii, muhto rávvesta velá mo elfápmofitnodat galgá dás ovddas ovttasdoaimmat sámi servodagain.

-Lei dehálaš ahte dát geavai ávdđalaččat. Ii sáhte bidjalit el-fierpmádatfitnodahkii sámi nama sahtedohko. Danne leat hirbmat movttet go Sámediggi mieđai dán ovttasbargui minguin, dadjá Bondevik.

Sámegiel siiddut eai leat dárogiel siidduid čabu speajalgovvan, muhto bájuhit sámegillii eanaš oasi daid mávssolaš dieđuin. Dasa lassin lea Troms Kraft-konseardna lámhčimin dili nu ahte kundariid sáhtta vástidit sámegillii. Šiehtadusain Sámedikkiin lea ulbmilin maiddái ráhkadit luoddakártta buori, jottkolaš gulahallamii gaskal energijafitnodaga ja sámi servodaga.

-Sámedikkis lea celkojuvvon ulbmil oažžut sámegiela oinnolaččabun Norggas. Danne lei midjiide lunddolaš searvat ovttasbargui, go riikaoasi okta stuorámus fitnodagain dáhtui geavahit sámegiel fitnodatnama. Jáhkkit ja sávvat ahte dát prošeakta bijašii málle eará fitnodagaide mo geavahit sámegiela sin profileremis, ja eanebut galggašedje dieđus dahkat nugo Troms Kraft. Dán galgá datte vuđolaččat dahkat ja sámi kultuvrra gudnejahtimiin, dadjá Sámedikki giellasuorggi sámediggeráđdi, Mikkel Eskil Mikkelsen.

Dál lea dušše eadnefitnodat Troms Kraft daid ođđa siidduid almmuhan. Arva ja Ishavskraft almmuhit viggamušaideaset maŋŋil.

Gulahallanolmmoš:

Stein-Gunnar Bondevik, direktvra kommunikašuvdna ja servodatoktavuohta: 974 08 801